


太平寰宇記

三

中國古代地理總志叢刊



152866

中國古代地理總志叢刊

太平寰宇記

卷一百一十五

宋樂史撰
點校

中華書局

太平寰宇記卷之五十二

河北道一

孟州

孟州，河陽郡。今理河陽縣。禹貢爲冀、豫二州之域。即武王伐紂，師會盟津。（一）在周爲畿內蘇忿生之邑，後爲晉邑，故左傳云：「文公大敗楚師，襄王自往勞之，書曰：『天王狩于河陽』」是也。後屬魏，魏哀王改爲河雍。至漢又爲河陽縣，魏、晉因之，屬河內郡。後入後漢，劉聰、後秦、姚泓，亦如之。後魏、莊帝時，梁、陳慶之來伐，克洛陽，渡河守北中府城，即今河陽城也。按城本太和中所築，至北齊得其地，天保七年省邑額賦，升入溫、軹二縣，（二）以城即爲軍戍，故北齊書云：「神武使潘樂鎮北中城，（三）又使高永樂守南城，以備西魏。」其中渾城，即東魏所築，仍置河陽關。以是之後，將帥有河陽三城使。隋開皇十六年又置河陽縣，以屬懷州。唐武德初改爲大基縣，四年平王世充，隸盟州，八年省之。咸亨五年復置大

基縣于今理，後以諱復爲河陽縣。開元初年以溫、河陽、汜水、濟源、河清五縣爲東京畿邑，屬河南府，其稅權隸三城使。至德中，李光弼禦史思明之寇也，光弼移牒留守、河南尹，令留司官、坊市居人，悉出避寇，〔四〕空其都城，乃出麾下士馬數萬，東守河陽三城。〔五〕賊初謂光弼自洛而西，及聞保河陽，出其意外，久之不敢犯宮闕。〔六〕光弼訓練招集，威聲大振。賊雖入城，憚光弼威兵，南不出百里，西不越畿內，陝州得修戎備，關內無虞，〔七〕皆光弼保河陽之力。會昌三年，中書門下奏：「河陽五縣自艱難以來，割屬河陽三城使，其租賦色役，盡歸河陽，河南尹但總管名額而已，使歸一統，便爲定制。既是雄鎮，足壯三城，其河陽望升爲孟州。」〔八〕尋有敕，割河陰隸孟州，河清還河南府。時河陽節度使以懷州爲理所。會昌四年又割澤州隸河陽節度使，仍移理所于孟州。皇朝爲河陽軍節度使。

領縣五：〔九〕河陽，溫縣，汜水，河陰，濟源。

州境：東西二百九十四里。〔一〇〕南北五十里。

四至八到：東南至東京三百五十里。西南至西京七十里。西南至長安九百十里。東至滑州四百四十里。西至絳州五百六十里。南至汝州二百五十里。北至懷州七十里。東至鄭州二百里。東北至衛州三百二十里。西北至澤州二百里。

戶：舊戶載河南府。皇朝戶主一萬四千二百三十五，客七千五百五十七。〔一一〕

風俗：河南覃懷之地，于周爲畿內。今所管縣本屬河內，故風俗與周地略同。漢書云：「子男之國，號爲大，號國即今汜水縣也。恃勢與險，崇侈貪冒。」

人物：無。

土產：古貢黃魚鮓，今貢梁米、石榴。

河陽縣，依舊三鄉。本周蘇忿生之邑，後爲晉邑。城西臨黃河，即古盟津之地。秦爲河雍縣。漢爲河陽縣，以在河之北爲名，屬河內郡。今縣西北三十五里有古城，即漢理。冀州圖云：「河陽在河內郡南六十四里，有宮有闕。」魏、晉如之。潘岳曾爲令。高齊省入溫、軹二縣。隋開皇十六年分溫、軹二縣重置，屬懷州。唐武德四年平王世充後割屬河南府。今屬孟州。

嶺山，在縣西北三十里。岡嶺横亘，故以爲名。

孟津，夏禹將興，神龜負圖出洛，并武王觀兵，皆此津也。蘇忿生十二邑，有盟，今平陰縣北孟津是也。或謂之富平津，或謂之小平津，或謂之陶河渚，即異名也。〔三〕今在縣南，即魏尚書僕射杜畿試船沈沒之所，尋立爲河陽關是也。

南浮橋，在縣南一里。即秦始十年杜預南征造，〔三〕晉武帝勞預曰：「非卿不能造此橋。」預對曰：「非陛下聖明，臣不能施其功。」即此橋也。

北中府城，即郡城也。洛陽記云：「太和二十年造北中府城。」又有南城，與縣接，乃東魏元象二年所築，高齊于其中置行臺，周武帝平齊又改爲河陽鎮。隋煬帝又改置河陽宮，後入唐，宮廢。

古城，在縣西三十里。即天王所狩之地。

板城，在縣西北三十五里。左氏傳隱公十一年，「王以易鄭餘邑」，〔四〕即此。

踐土城。冀州圖云：「在縣東七里，洛陽西北四十二里。」左傳「盟于踐土」〔五〕是也。

向城，即春秋十二邑之一，〔六〕在今縣西北三十五里。〔七〕古向國，春秋謂「向姜不安莒而歸」。

閭坎。左傳：「周甘人與晉閭嘉爭閭田。」一名閭坎，今解縣是也。

遮馬堤，在今縣西南十三里。即後魏朱榮殺朝士千三百人于此堤。

溫縣，東北五十里。舊七鄉，今五鄉。本周畿內，司寇蘇公之邑，春秋僖公十年：「狄滅溫，溫

子奔衛。」周襄王勞晉文公而賜之。漢以爲縣，屬河內郡。隋屬懷州，大業十三年自故溫城

移于今所。唐武德四年，隋溫縣令周仲隱以縣歸，乃以縣置平州，以仲隱刺焉，因改邑城爲李城；其年廢州，復爲溫縣，以屬孟州。〔八〕後以建都河、洛，因以隸焉。自天寶之後，稅賦

輸河陽。會昌中于河陽置孟州，以縣隸焉。

馬場原。俗謂「原」爲「坎」，蓋後魏遷都洛，于此原牧馬，故有馬場之名。

沛水，在故城西，東南流注于河。按述征記云：「沛水經河內溫縣注于河。」又九州記云：「濟水，一名沔水，出濟源山。」

李城，今縣城是也。本李侯國。史記：「秦圍邯鄲，傳舍吏子李同說平原君，得敢死之士三千人赴秦軍爲卻三十里。亦會楚、魏救至，秦軍遂罷。李同戰死，封其父爲李侯。」徐廣曰：「河內平皋縣有李城。」

號公臺，俗名賀酒臺。皇覽云：「河內溫城南有號公臺。」相傳云晉宣帝故邑，〔文〕集溫父老登此臺宴飲，父老奉觴慶賀，因謂之賀酒臺。

古溫城，在縣西南三十里。周司寇蘇忿生邑，漢爲縣。東魏孝靜帝天平中移縣于故城東北七十里。隋大業十三年又移縣于今理。

汜水縣，東北九十里。舊三鄉，今四鄉。古東號國，春秋鄭之制邑。漢爲成皋縣，屬河南郡。

左傳謂：「制，嚴邑也。」號爲鄭所滅。穆天子傳云：「天子獵于鄭圃，〔三〕有虎在葭中，七萃之士擒之以獻，命畜之東號，號曰虎牢。」今邑界有虎牢城存焉。戰國屬韓。秦屬三川。楚、漢相拒于滎陽、成皋，即此地，後爲縣，北臨黃河。後漢爲成皋關，〔三〕魏又爲縣，復屬河南郡。晉隸滎陽郡。〔三〕宋武帝北平關、洛，置司州。後魏明帝置北豫州，太和十九年罷

州，置中郎將府。孝靜帝天平元年罷府，又置北豫州并成皋郡，同理于此。高齊天保七年省北豫州。周宣帝宣政元年置滎州。隋開皇元年改爲鄭州，三年置成皋郡，^(三)十六年分鄭州置管州，十八年改爲汜水縣。唐武德四年分置成皋縣。貞觀元年省入汜水縣，以屬鄭州。顯慶二年改屬河南府。垂拱四年改爲廣武縣。神龍元年復爲汜水縣。會昌中屬孟州。

黃河，自鞏縣界流入。

汜水，出縣東南四十二里。

三山，山有三峯，故以爲號。

鵠山，在縣北。竇建德軍敗于此。

方山，在縣東南四十二里。山海經云：「浮戲之山，汜水出焉。」水經注云：「浮戲山，俗謂之方山。經武牢城東，漢破曹咎于此。」

旋門坂，在縣西南十里。東京賦云：「東門于旋。」又東征賦云：「^(四)望河、洛之交流，看成皋之旋門。」

汜水有二焉，並在鄭地。春秋：「天王出居于汜。」是南汜，在許州襄城縣界，非此也，今在成皋城東。按京邦要記云：「板渚、牛口渚，^(五)在汜水縣東北。」郡國縣道記

云：「汜水出縣南方山，經縣東，始合于河。」

厄井，在縣東北七十里。風俗通謂：「漢高祖與項羽戰敗于京、索，遁入蒲井，鳩止鳴其上，追者以爲無人，遂得脫，因名厄井。」又九州要記云：「丁公抱石欲填之」，是此井。郡國志云：「堯井在縣東十五里，即厄井也。」未明孰是。

板城，城東北三十里。有津，亦謂板渚。

虎牢城，即共叔段之邑也。

成皋故關，在縣東南二里。南門名成皋，北門名王路。洛陽記云：「洛陽在四關之內，左成皋關。」隋大業九年移成皋關于虎牢城，西邊黃河，當汜水之上。按故關在縣東，今在縣西。

旋門關，在縣西南十里。即八關之一也。

牛口渚，在縣北，與板渚迤邐相接。唐初，竇建德率衆十萬，自板渚結陣，南屬鵠山，以臨汜水。太宗率輕騎擊之，大潰，建德竄入牛口渚，將軍白士讓生獲之。先是童謡云：「豆入牛口，勢不得久。」果敗于此。

等慈寺，在縣東七里。唐師既破建德，有詔于戰所起寺立碑以紀功焉。

河侯神，在縣東北四十里。隋開皇七年，通渠之日，於大河分流之處立此祠，今商賈

禱祀不絕焉。〔三六〕

河陰縣，東北一百四十里。〔三七〕舊三鄉，今二鄉。其地即汜水、滎澤、武陟三縣之地也，開元二十二年，侍中裴耀卿奏以地當汴河口，便于漕運，宜析上三縣之地置縣以頓之，因在河之南，故于輪場東、渠口北二百五十步，立河陰縣焉，即今理所。

三皇山，亦曰敖鄆山，山上有三城，〔三八〕即是楚、漢相持于此。

汴渠，在縣南二百五十步。首受黃河，一名通濟渠，一名蒗蕩渠，漢書謂滎陽漕渠，如淳曰：「今礪溪口是也。」水經云：「河水又東過滎陽北，蒗蕩渠出焉。」酈道元注云：

「大禹塞滎澤，開渠以通淮、泗。」又後漢書：「初，平帝時，河、汴決壞，未及得修。汴渠東侵，日月彌廣，水門故處，皆在河中。永平十二年，議修汴渠，乃引樂浪人王景，問治水形便。景陳其利害，應對敏給，帝善之，乃賜景山海經、河渠書、禹貢圖，及錢帛秘物。遂發卒數十萬，遣景與將作謁者王吳修渠築堤，起自滎陽，東至千乘海口千餘里。景乃商度地勢，鑿山截澗，防遏衝要，疏決壅積，十里立一水門，令更相洄注，無復潰漏之患。明年，渠成。帝親巡行，詔濱河郡國置河堤員吏，如西京舊制。」順帝陽嘉中，又自汴口以東，緣河積石爲堰，通淮，〔三九〕亦名金堤。靈帝建寧中又增修石門，以遏渠口。又坤元錄云：「自宋武北征之後，復皆堙塞。隋大業元年更令開導，名爲通濟渠，西通河、洛，南達

江、淮。煬帝遊江、淮，于此泛龍舟至江都，其交、廣、荆、揚、益、越等州運漕，即此渠也。」
梁王堰，在縣西二十里，又名梁公堰。本漢平帝時，汴河決壞，至明帝永平中，乃令王景理梁堤，其後通塞，各計朝代。隋開皇七年，使梁睿增修古堰，遏河入汴，故謂之梁公堰。

濟源縣，西北四十里。〔三〕依舊四鄉。即周畿內地，亦蘇忿生之邑。今古城尚存，在縣西北二里。左傳云：「襄王賜晉文公濟西之田。」後屬魏。漢爲軹縣之地。隋開皇十六年分軹地立濟源縣，屬懷州，以濟水發源于此爲名。隋末省軹入濟源。唐武德二年，王世充將丁伯德以邑歸順，〔三〕遂于此置西濟州，以濟源、溟陽、蒸川、邵原四邑以隸焉，仍以伯德爲刺史；四年省縣入懷州。〔三〕顯慶二年建都河、洛，以隸之。會昌中復隸孟州。

太行山，相傳謂皇母山也，或名女媧山。其上有祠，民祈福而歲禱焉。其山起于邑界。

陵山。爾雅云：「大阜爲陵。」俗以孤絕似陵，因謂之陵山。

孔山，在縣東北四十里。水經注云：「山上石穴洞開，穴內石上有車轍馬跡，〔三〕自然成著，非人功所就。」

沁水，在今縣北二十八里。兼有故沁水城，是此。

濟水，在縣西北三里。平地而出，有二源：其東源周迴七百步，其深不測；西源周迴六百八十五步，深一丈，皆繚之以周墻，源出王屋山。山海經云：「王屋之山，澗水出焉。」郭璞注云：「澗，泚水之源。」尚書禹貢云：「導泚水，東流爲濟，入于河，溢爲滎。」孔安國注云：「濟水入河，並流十數里而南截河，」又並流數里溢爲滎澤。」按漢書：「導泚水，東流爲泚，入于河，軼爲滎，」東出于陶丘北，又東至于荷，又東北會于汶，又北東入于海。」顏師古云：「導泚水而爲濟，截河，又爲滎澤。陶丘，在今曹州定陶西南。」過荷澤，又與汶水會，北折而東入海也。」按泚水出今王屋縣王屋山，東流至濟源縣而名濟水；滎澤，在今鄭州滎澤縣；定陶，今曹州濟陰縣是也；荷澤，在今兗州魚臺縣；汶水，在今兗州萊蕪縣。然濟水因王莽末旱，渠涸，但入河而已，不復截河南過，今東平、濟南、淄川、北海界中有水流入于海，謂之清河，實荷澤、汶水合流，亦曰濟河，蓋因舊名，非本濟水也。而水經是和帝以後所撰，乃言濟水南過滎澤至于乘氏等縣，一依禹貢舊道，斯不詳之甚也。酈道元又從而注之，其所纂序，尤爲紕繆矣。又九州記云：「濟源縣有慢流水、玉漿澗、木溝皆會于濟也。」

波城，^{〔三九〕}在城東南三十八里。即春秋時陽樊邑。

忿生邑，有故城，在今縣西北二里。

軹縣故城。史記云：「秦昭王伐魏，取軹。」漢爲縣，故城在今縣東南十三里。〔四〕即漢文帝封舅薄昭爲軹侯，是此。高齊拒周，使斛律光築關于此，以屯戍卒。按郡國縣道記云：「後魏自此城移縣于今縣東南三十八里波城置。大業二年省之。」

濟源古城，在今縣西北九里。〔五〕即史記謂「晉文公伐原」是也。

陵山，在城西北。

靈井。東魏以鎮西將軍平鑒爲懷州刺史，乃于軹關築城，以防西魏。新城少水，有一土井隨汲即竭，鑒乃具衣冠俯井而祝，俄而井泉涌出，合城不缺。此井今在故城中。

沁臺，在縣東北三十里。與古城相去五里。

故軹關，在今縣西十一里。

卷五十二校勘記

〔一〕師會盟津。「盟津」，萬本、庫本皆作「孟津」。按史記卷四周本紀：武王「東觀兵，至于盟津。……師畢渡盟津，諸侯咸會」。 史記卷二夏本紀正義引括地志：「盟津，周武王伐紂，與八百諸侯會盟津。亦曰孟津。」

〔三〕升入溫軹二縣。按元和郡縣圖志卷五河南府河陽縣：「高齊省入溫、軹二縣。」本書卷河陽縣序

同，此「升」蓋爲「省」字之誤；萬本、庫本作「興」，亦誤。

〔三〕神武使潘樂鎮北中城「北中城」，萬本同，庫本及太平御覽卷一六一引北齊書作「北城」。

〔四〕光弼移牒留守河南尹令留司官坊市居人悉出避寇，庫本同，惟脫「牒」字，萬本作「光弼移牒留守及河南尹并留司官、坊市居人，令悉出避寇」，同元和郡縣圖志河南府、舊唐書卷一一〇李光弼傳。

〔五〕東守河陽三城，庫本同，萬本作「東守河陽三城拒逆」，同元和郡縣圖志河南府。

〔六〕久之不敢犯官闕，庫本同，萬本作「疑懼久之，不敢犯官闕」，同元和郡縣圖志河南府。

〔七〕關內無虞，庫本同，「關內」，萬本作「關隘」，同元和郡縣圖志河南府。

〔八〕其河陽望升爲孟州，萬本此句下有「仍爲望郡」四字，同舊唐書卷三八地理志一、唐會要卷七〇州縣改置上。

〔九〕領縣五「領」上，萬本、庫本皆有「元」字。

〔一〇〕東西二百九十四里「二」，萬本、中大本、庫本皆作「一」。

〔二〕客七千五百五十七「五十七」，萬本、庫本同，中大本作「五十九」。

〔三〕即異名也，萬本、庫本作「皆其名也」。

〔三〕杜預南征造「預」，底本脫，庫本同，據萬本及嘉慶重修一統志卷二〇三懷慶府引本書補。「南

征」，底本作「征南」，庫本同，據萬本乙正。

〔二四〕板城至王以易鄭餘邑 原校：「按板城，莫知爲何邑，疑刊字而誤。」萬本據水經河水注改爲「冶坂城」，校云：「按水經注引郭緣生述征記曰：『踐土，今冶坂城。』是名異春秋焉，非也。今河北見者，河陽城故縣也，在冶坂西北，蓋晉之溫地，故羣儒有溫之論矣。魏土地記曰：冶坂城舊名漢祖渡，城險固，南臨孟津河。」則「坂城」即「冶坂城」，蓋傳寫脫，此云「莫知爲何邑」，當時或未之考也。」又「王以易鄭餘邑」，萬本作「王與鄭人爭蘇忿生之田」。按左傳隱公十一年：「王取鄆、劉、蔿、邾之田于鄭，而與鄭人蘇忿生之田——溫、原、緡、樊、隰鄆、欒茅、向、盟、州、陘、隤、懷。」諸邑之中，無「板城」或「冶坂城」，此當有誤。

〔二五〕左傳 按春秋僖公二十八年，「公會晉侯、齊侯、宋公、蔡侯、鄭伯、衛子、莒子，盟于踐土」，此「左傳」宜作「春秋」。

〔二六〕即春秋十二邑之一 據左傳隱公十一年，周桓王以向、盟等十二邑易鄭地，此「春秋」宜作「左傳」。

〔二七〕在今縣西北三十五里 「三」，底本作「二」，據萬本、中大本、庫本、傳校改。

〔二八〕以屬孟州 據本書孟州總序，會昌三年升河陽縣爲孟州，此前無「孟州」。舊唐書地理志一：

「武德四年於隋河陽宮置盟州，領河陽、集城、溫三縣。」新唐書卷三九地理志三同，則此「孟州」

爲「盟州」之誤。

〔一九〕晉宣帝故邑 讀史方輿紀要卷四九：號公臺，「司馬懿過故邑，集父老宴賀于此。」此「宣帝」下疑脫「過」字。

〔二〇〕天子獵于鄭圃 「圃」，底本作「國」，庫本同，據萬本及穆天子傳、水經河水注引改。

〔三一〕後漢爲成皋關 「關」，庫本同，萬本無。按續漢書郡國志一，河南尹領有成皋縣，通典卷一七七州郡七：「後漢置成皋關。」則後漢時於縣設關。

〔三二〕晉隸滎陽郡 按晉書卷一四地理志上，成皋縣仍隸河南郡。

〔三三〕三年置成皋郡 隋書卷三〇地理志中汜水縣：舊曰成皋，「後周置滎州，開皇初曰鄭州，十八年改成皋曰汜水。」不載「開皇三年置成皋郡」。按隋開皇三年罷郡，無郡之制，此誤。

〔三四〕東征賦 「東」，底本作「西」，萬本據文選改爲「東」，庫本同。按此引乃曹大家東征賦，據改。

〔三五〕板渚牛口渚 庫本同，萬本作「板渚與牛口渚相連」。

〔三六〕今商賈禱祀不絕焉 「今」，底本作「往來」，據萬本、庫本、傳校改。

〔三七〕東北一百四十里 「四」，底本作「二」，萬本、中大本、庫本皆作「四」。按元豐九域志卷一：孟州河陰縣，「州東北一百六十二里」。此載里距有誤，萬本、中大本、庫本是，據改。

〔三八〕山上有三城 通典州郡七、元和郡縣圖志河南府同。按續漢書郡國志一劉昭注引西征記曰：

「有三皇山，或謂三室山。山上有二城，東者曰東廣武，西者曰西廣武，各在山一頭，相去二百餘步，其間隔深澗，漢祖與項籍語處。」漢書卷一高帝紀顏師古注引孟康曰：「於滎陽築兩城而相對，名爲廣武城，在敖倉西三室山上。」水經濟水注亦載：有東、西廣武城，「夾城之間，有絕澗斷山，謂之廣武澗」。則三皇山上有二城，非「三城」。

〔三九〕通淮 同太平御覽卷六一，殿本水經注改作「通渠」，云「渠訛作「淮」，王先謙合校水經注、楊守敬水經注疏皆從改。

〔三〇〕西北四十里 按唐宋孟州治河陽縣，在今河南孟縣之南，濟源縣即今濟源縣，元豐九域志卷一：「孟州濟源縣，」州西北六十里」。與實際相符，此疑有誤。

〔三一〕丁伯德 「德」，底本作「得」，庫本同，據萬本及新唐書地理志三、唐會要州縣改置上改。下同。

〔三二〕四年省縣入懷州 萬本據新唐書地理志三改爲「四年州廢，縣入懷州」。按舊唐書地理志一：「武德四年廢西濟州及邵原、蒸川、渙陽入濟源，改隸懷州。」唐會要州縣改置上同，此「四年」下脫「廢州，省渙陽、蒸川、邵原入，改隸」十二字。

〔三三〕車轍馬跡 「馬」，萬本、庫本作「牛」，同水經沁水注。

〔三四〕並流十數里而南截河 「十數」，底本倒誤爲「數十」，庫本同，據萬本及尚書禹貢孔安國注乙正。

〔三五〕按漢書 「漢書」，底本作「禹貢」，萬本、庫本同。按本書以下引文及顏師古云，並載于漢書卷二